


Iroun Beretitenti
Henry B. Eyring

Moan Kauntira n te
Moan Beretitentii



Kaumakiia Bwa A ana Tataro

Ngke I uarereke, a reireinai au karo n tataro n aia banna ni katooto. I moanna man iangoan Tamau are i Karawa n au iango ae raroanako. Ngke I a ikawai, ao au atatai n te tataro e a bitaki. Te tamnei n au iango e riki bwa teuana tamnein Tamara are i Karawa ae e kaan, ae e rabunaki n te oota ae e otamwaaka, ao ae e kinaai raoi.

E roko te bitaki anne ngke I karekea te kakoaua ae koaua bwa n ana ribooti Iotebwa Timiti iaon te bwai are e nooria n te 1820 i Manchester, New York, e boni koaua:

“I noora te oota iaon atuu, ae raka riki otana nakon otan taai, are e ruo ni karaurau nako aou.

“Ni waekoan kaotina ao I a kunea bwa I a kaina-omataki iroun au kairiribai are e tauai Ngke e ruo te oota nako aou, ao I nooria uoman Aomata, are otaia ao mimitongia akea aron kabwarabwarakiia, a tei iaou iaon te eea. Temanna mai ibuakoia e taetae nakoiu, ni weteai n arau ao e taku, e kotea are temanna—*Aio Natiu Ae Tangiraki. Oongo Irouna!*” (Iotebwa Timiti—History 1:16–17.)

Tamara are i Karawa e mena n te buakonikai n tain te tiburung ae tikiraoi anne. E wetea Iotebwa n arana. Ao E kabwarabwara bwa te Tia Kamaiu are e a tia n uti bon “Natina Ae Tangiraki.” N te tai raa ke tabo raa ae ko

tataro iai, am kakoaua ibukin koauan te atatai ae moan te kakukurei anne e na kona ni kakabaiako.

Te Tama ae ti tataro nakoina bon te Atua ae kakimwareirei ae karika te aonaaba rinanon Natina ae Tangiraki. E ongo ara tataro n aron are E ongo ana tataro Iotebwa—ni matata raoi n aron te tataro ake a tia n taekinaki I matana. E tangirira raoi ngaia are E anga Natina bwa ara Tia Kamaiu. Man te bwaintangira anne E kariaia bwa ti na kona ni karekea te maiu ae aki mamate ao ae akea tokina. Ao E anganiira, rinanon te tataro n aran Natina, ke n reitaki ma Ngaia inanon te maiu aei n aron are ti rineia.

Naake iai irouia te Nakoanibonga n Ana Ekaretia Iesu Kristo Ibukiia Aika Itiaki ni Boong Aika Kaitira iai irouia te onimakinaki ae tabu bwa ana kawarii aia auti membwa, ao *ni kaumakiia n tataro ni bwanaia ao n ae onoti* (taraa D&C 20:47; kabwarabwaraana).

A mwaiti kawai ake ti kona iai ni kaunga temanna bwa e na tataro. Te katoto, ti kona ni kakoaua bwa e a tia te Atua n tuangiira bwa ti na teimatoa n tataro, ke ti kona ni kabwarabwarai katoto man booki aika tabu ao man oin ara atatai n taian kakabwaia ake a reke man te tataro ni kakaitau, te bubuti, ao kaekaan am bubuti. Te katoto, I kona ni kakoaua bwa Tamara are i Karawa e kaekai ara tataro. I a tia ni karekei kaetieti ao karaunano

man taeka ake a tia n reke n au iango, ao I ataia mairoun te Tamnei bwa bon taeka mairoun te Atua.

Iai iroun te Burabeti Iotebwa Timiti te aekan atatai anne, ao ngkoe ko kona naba. E karekea te kaeka aei man te tataro ae nako raoi man te nano:

E beritana te rau te Atua nakoina n tamneina ao e tuanga bwa ana kanganga ma karawawatakina a na riki n te tai ae uarereke.

E taku bwa ngkana e teimatoa nako iai, ao te Atua e na karietata riki (taraa D&C 121:7–8).

Anne bon te kaotioti mairoun te Tama ae Tangira nakon te nati ae kaitara ma kangaanga aika korakora. Ni kabane natin te Atua a kona n reitaki ma Ngaia n te tataro. Namakinan te tangira ao te kabebeteaki are e a tia n roko irou bwa te kaeka nakon au tataro n nanorinano e a tia n rangin ni korakora mwiina nakoiu nakon kaunganano n tataro tabeua.

Ti karekea te kakoaua nakon ana tua te Atua man kawakinan ana tua (taraa Ioane 7:17). Aio koauan te tua are ti na tataro ni bwanaara ao n te tabo ae onoti. Ngkai am tia reirei ao raoraom, I berita bwa e na kaekai ami tataro te Atua ao man mwaakan te Tamnei ae Raoiroi, ko na ataia bon iroum bwa te kaeka bon mai Irouna.

ANGA REIREI MAN TE RONGORONGO AEI

- “Tamnei bon bwaai n reirei aika kakawaki ibukin kamatataan te boto n iango n te reirei” (*Teaching, No Greater Call* [1999], 176). Kaota tamnein lotebwa Timiti ke te Moan Kaotioti. Maroroakina te atatai ae e a tia ni karekea lotebwa Timiti n te tataro. E na kanga am tataro n iai nanona ngkana ko iangoa “Tamara are i Karawa . . . n uakaan,” n aron ae karaoia Beretitenti Eyring?
- N aron are e taekinna Beretitenti Eyring, iangoa tibwauan

am kakoaua iaon te tataro, ni kabwarabwarai kakabwaia ake ko a tia ni karekei ibukin te tataro, ke tibwauan kiibu man booki aika tabu iaon te tataro.

RORONRIKIRAKE

Au Tataro n te Onimaki

Iroun Priscilla Farias de Lima

Ngk 18 au ririki, I mwakuri n titoan bwain auti bwa te tia bobwai. Au tai ni mwakuri e bon rangin ni kanganga. I mwakuri man te 8:00 n te ingabong nakon 10:00 n te tairiki, Man te Moanibong nakon te Kaonobong. I nanokawaki ibukina bwa I aki kona n ira te intitute ao ana bootaki ni kakukurei te Ekaretia.

I moanna n tataro nakon Tamau are i Karawa ma te nano ae korakora ni bubutia bwa E na buokai ni kakaea au mwakuri ae n na aki mwakuri iai n te Kaonobong bwa I aonga ni kaea te intitute ao bootaki ni kakukurei ake tabeua.

N te taina n te tabo ni mwakuri I buoka temanna te mwane. Ti moanna n taetae, ao e taku bwa e mwakuri n te bangke ae bubura. I titiraki bwa n na kanga ni kona ni mwakuri n te bitineti aei. E anganai arana ao nambwan ana tareboon ao e tuangai bwa e na tarebonia te tia kateirake n te mwakuri ao n tuanga bwa I kinaa. I nakon te bangke ao ni karaoi ukeuke ake a riai ni karaoaki. I bwaati ao ni moana au mwakuri onoua te aoa ni katoabong man te Moanibong nakon te Kanimabong, ni karekea teniua te tai okiokin au karekemwane are mai imwaina.

I ataia bwa e kairiira te Uea ngkana ti karaoia bwa ara Moanibwai n tainako. E teimatoa ni kairirai n te bong aei. I ataia bwa te reirei iaon te tataro e boni koaua.



Onimaki, Utu, Ibuobuoki

Taan Tararua n Te Mweenga

*Kamatebuia te reirei aei ao, n angaraoina, maroroakinna ma aine ake ko kawariia.
Kabonganai titiraki bwa e aonga ni buokiko ni kakorakoraia tarim ao ni karaoa te
Bootaki n Aine bwa iteran maium ae kakammwakuri*

“Ngkoe te tia tararuai mweena,” e taku Beretitenti Gordon B. Hinckley (1910–2008) ngke e kabwarabwaraa “Te Utu: Te Katanoata nakon te Aonaaba” n aia maungatabu ni kabuta te Bootaki n Aine n te 1995. “Ngkami ake kam na karikia ataei. Ngkami ake kam na kaikawaia rake ao ni karinna inanoia katei inanon maiuia. Akea te mwakuri ae kakannato riki nakon tararuakiia natin te Atua aine ao mwaane.”¹

E a kania 17 te ririki ngkai are e a tia te katanoata aei ni kakorakoraira bwa tabera ae rangin ni kakawaki e boboto iaon kakorakoria utu ao mweena—n aki tabe ma ara kanganga ae ngkai. Barbara Thompson, te kauoman ni kauntira ngkai n te beretitentii ni kabuta n te Bootaki n Aine, e mena n te Salt Lake Tabernacle ngke Beretitenti Hinckley e moan wareka te katanoata. “Bon te tai ae moan te kakanato,” e uringa. “I namakina aron kakawakin te rongorongo. I namakinna naba bwa I iango, ‘Aio te kawai ae moan te kakawaki nakoia kaaro. Bon te tibwanga naba ae tamaraoa ibukiia kaaro.’ I iango teutana n te tai aei bwa e aki rangin ni kaineti nakoiu ibukina bwa akea buu ao akea naba natiu. Ma I waekoa n iango, ‘Ma e aki kaineti nakoiu. Ngai kaain te utu. Ngai te

nati te aine, te titita, te tina, te tari, te nati, ao te tibu te aine. Iai mwio-koau—ao kakabwaiaku—ibukina bwa ngai bon kaain te utu. E ngae ngke ti ngai man au utu ae maiu, I teimatoa n riki bwa kaain ana utu te Atua, ao iai tibwangau bwa n na buokia ni kakorakoraia utu ake tabeua.”²

Ti kakanonga, bwa tiaki tiku ni maroa n ara mwakuri. “Te kabanea ni kakawaki n ibuobuoki,” e taku Titita Thompson, “ti na karekeea man kakorakorakiia utu bon atakin ao irakin ana reirei Kristo ao n Onimakinna bwa e na buokira.”²

Man Ara Rongorongo ni Kawai

“Ngke Titita Bathsheba W. Smith e beku bwa te ka aman ni beretitenti n te Bootaki n Aine ni kabuta [man 1901 nakon 1910], e noora kainnanoan kakorakorakiia utu, ngaia are e katei reirei ibukiia tiina n te Bootaki n Aine ni kabuta. E karinaki n te reirei aio iaon te mare, tararua iaoia aine aika bikoukou, aron kaikawakia ataei. Reirei aikai a boutokaki man ana reirei Beretitenti Joseph F. Smith ibukin te Bootaki n Aine ni buokiia aine iaon tabeia n te mweenga:

“Ngkana iai te aki kan ongo ke te aki ota ni kaineti ma te utu, tabeia kaain te utu, ao kabaeakia ae riai karoan te etieti imarenan te

bumwaane ao te buaine ao imare-naia kaaro ao ataei, ikanne ao te bootaki aei e na rangin kaan riki, ao man kakabwaiaki n te maiu n tamnei, ao ana kairi te tamnei are oin te bootaki aei ana kona ni waakinaki ao ni katauraoaki kaetieti iai ni kaineti ma mwakuri aika kakawaki aikai.”³

BWAAI AIKA A NA TARAAKI

1. Gordon B. Hinckley, “Stand Strong against the Wiles of the World,” *Ensign*, Nobembwa, 1995, 101.
2. Barbara Thompson, “I Will Strengthen Thee; I Will Help Thee,” *Riaona ao Ensign*, Nobembwa, 2007, 117.
3. *Daughters in My Kingdom: The History and Work of Relief Society* (2011), 153.

Man Booki Aika Tabu

Taeka n Rabakau 22:6; 1 Nibwaai 1:1; 2 Nibwaai 25:26; Aramwa 56:46–48; Doctrine ao Covenants 93:40

Tera ae I Kona ni Karaopia?

1. N na kanga ni buokia Titita ake I tararuia bwa a na kora-kora aia utu?
2. N na kanga n riki bwa te tia kairoro nakon te etieti n au utu?

Ibukin rongorongona riki tabeua, nakon reliefsoociety_lds.org.